

II.

LEBIA nigricollis, NOB.

Tab. I, fig. 2.



Nigra, nitida, antennarum articulo primo ferrugineo; coleoptris flavis cruce nigra.

Longit. $2 \frac{2}{3}$ lin. — Latit. $1 \frac{1}{3}$ lin.

Algore correptam semel legi in nive *del Genargentu*, ineunte iulio.

DESCR. Lebiae omnes, quotquot ad nostram hactenus aetatem ab auctoribus proditae sunt, prothorace rufo vel testacco gaudent: species nostra e contra hanc corporis partem penitus nigram habet, ideoque perquam distinctissima et primo intuitu dignoscenda inter congenere evadit. — Caput parvum, nigrum, punctatum, punctis latis, confluentibus, ore penitus concolore. Antennae nigrae, articulo primo ferrugineo. Thorax niger, subtransversus, capite vix latior, utrinque rotundatus, marginatus, marginibus reflexis, angulis anticis rotundatis, posticis rectis, profunde foveolatis, supra in medio longitudinaliter sulcatus, subtilissime transversim rugulosus. Scutellum parvum, triangulare, acutum, nigrum. Coleoptera nigra, striato-punctata, interstitiis parce et subtilissime punctulatis, macula magna humerali alteraque apicali in singulo elytro flavis. Abdomen et pedes nigri, ungulis dumtaxat rufis.

AUCTORE J. GENÉ

45

Observ. Nix Genargentea, quae in seram aestatem saepissime perdurat, attentis oculis lustrata plurimas et sane perraras, quandoque etiam prorsus novas insectorum species mihi obtulit. Utrum vento percussa illic tot animalcula concidant, an nivis ipsius nitore rapta, uti id obtinet apud nonnulla Lepidoptera diurna quae candidis linteis e longinquo advolant, me omnino latet. Utenumque vero id accadat, dolet de Insectis eo modo et loco inventis ne verbum quidem, quod ad mores vel vitae oeconomiam spectet, dici posse.